

Headline	'Belum ada sebarang tindakan'		
MediaTitle	Berita Harian	Language	Malay
Date	18 Sep 2019	Readership	246,756
Circulation	82,252	Page No	18
Section	Nasional	Journalist	Amin Ridzuan
ArticleSize	392 cm <sup>2</sup>		
PR Value	RM 39,090		



Susulan ladang haram warga asing

## 'Belum ada sebarang tindakan'

Kerajaan Selangor didesak serius banteras aktiviti haram

Oleh Amin Ridzuan Ishak  
aminridzuan@bh.com.my

**Kuala Lumpur:** Kerajaan Selangor didesak bertindak segera terhadap mana-mana pihak yang menjadikan punca pencerobohan pendatang asing yang meneroka tanah kerajaan secara haram di Bukit Beruntung, Hulu Selangor.

Setiausaha Pertubuhan Sahabat Hulu Selangor, Ramlee Mohd Nasir, mendakwa selepas hampir 10 hari pencerobohan itu dibongkar oleh BH, sehingga kini tiada sebarang tindakan tegas diambil oleh pihak berkuasa, hingga menimbulkan persoalan sama ada kerajaan negeri benar-benar serius ingin membanteras aktiviti haram atas tanah miliknya itu.

Beliau mendakwa, kegiatan per-

tanian di atas tanah yang diceboroh warga asing terabit masih berlariutan sehingga kini, seolah-olah tiada sebarang penguatkuasaan, meskipun notis sudah dikeluarkan terhadap kehadiran mereka di situ.

"Kami menggesa kerajaan mengambil tindakan segera dan tarik balik hak milik tanah individu menyebabkan perkara ini berlaku, ia sudah berlariutan sejak 10 tahun lalu, adakah kita mahu melihat mereka terus 'mengurasai'nya?

"Jika dibiarkan mungkin lebih banyak lagi kawasan diceroboh kerana pihak melakukan kesalan itu semakin berani apabila tiada penguatkuasaan tegas," katanya ketika dihubungi di sini, semalam.

Pada 8 September lalu, *BH Ahad* melaporkan isu pencerobohan tanah kerajaan dan milik persendirian di Bukit Beruntung oleh kumpulan warga asing di kawasan dianggarkan seluas 60 hektar.

Mereka dikatakan bekerja dengan pihak tertentu yang menyewa tapak pertanian itu, tetapi menceroboh masuk ke kawasan lain, termasuk 10 hektar milik



*Kegiatan pertanian di atas tanah yang diceroboh warga asing* di Bukit Beruntung masih berlariutan sehingga kini, seolah-olah tiada sebarang penguatkuasaan.  
(Foto Zunnur Al Shafiq/BH)

Pejabat Tanah Galian (PTG), Hulu Selangor.

Walaupun diberikan notis pengosongan kawasan, namun arahan itu tidak diendahkan, bahkan aktiviti di situ berjalan seperti biasa.

Semakan BH berdasarkan pelan pembangunan Bukit Beruntung mendapati, kawasan diceroboh

itu membabitkan tanah milik PTG Hulu Selangor, Menteri Besar Incorporated (MBI), syarikat swasta, rizab Tenaga Nasional Berhad (TNB) dan rizab masjid serta rizab sekolah.

Ramlee berkata, pihaknya juga berharap Suruhanjaya Pencegahan Rasuah Malaysia (SPRM) menyiasat isu berkenaan bagi meng-

esan, sama ada wujud unsur rasuah atau penyalahgunaan kuasa sehingga menyebabkan perkara itu boleh berlaku.

"Bagaimana tanah kerajaan boleh diceroboh sebegitu lama tanpa sebarang tindakan? Jika ada sesuatu yang tidak kena, mungkin SPRM boleh campur tangan dalam hal ini," katanya.